

**Nemiliztlamahuilli tlen Amacuitlapilco ipan Jonacatepec**  
**Nican pehua in pasi3n in ipantzinco omochiuh in Totecuiyo Jesucristo**

Ni nemiliztlamahuizolli mochihuayaya pan Caxtolli huan Eyi Hueixihuicatl, itlamiyan 1732 ipan altepetzitzin tlen Morelos tlalli, nepa M3xico. Ni amatl ininteucco eliyayah tlacameh tlen Amacuitlapilco, mocahua ipan Jonacatepec, Morelos tlalli.<sup>1</sup> Yeca mopantihqui ni amatl pan 1757 pampa ce totahtzin tlen itocah fray Miguel Torres quinquiquetzqui nochi ne tlacameh ica ni amatl para ayoccanah ma quiixnexticah huan ni amameh motitlanilihqui Mexcoaltepetl. Ni amameh ayoc mopannextihqueh pampa totahtzitzin moilliyayah macehualmeh quichihuayayah tlamantli tlen axcualli huan axnelquicuamachiliyayah yancuic analtlaneltoquilli.<sup>2</sup>

Nochi tlahtolli tlen queniuhqui moihcuiloa ni amatl, tlahuel mocuamachilia ica nahuatl tlen zaniloah macehualmeh tlen Chicontepec. Miac tlahtolli tlen tepecpana axmopatla quen motenquixtia nepa Chicontepec, yeca hueliz mocuamachilia nimantzin nochi tlen panoticah ica Jesucristo imiquiliztempan pan ne tlalli tlen Jerusal3n. Ni amatlahcuilolli moahcouctoc ipan Archivo General de la Naci3n, nepa Mexcotlalli tlan ce acahya quinequizquia quipohuaz.

Pan ni nemiliztlamahuizolli pehua ica Jesucristo quemman nelneliya quinequi yaz Jerusal3n tlalli. Santiago huan Felipe quitzacuiliah, axcanah ma yohui Jerusal3n tlalli pampa tlahuel temahmatih. Cristo quinillia ni Santiago huan Felipe axcanah ma mocuezocan huan ma quitlepanittacan itlahtoltzin huan axcanah ma quiilcahuacan teotlanahuatilli pampa inihhuantin quimohmoyahuazceh pan nochi tlalli.

Teipan mohualnextia ica miac yoltequipacholli Santa Mar3a ihuan Magdalena. Cristo quinillia ya quichihuaz teonahuatilli tlen tlaachtapaihtoahuanimeh profetasmeh, yeca nelneliya yaz altepetl Jerusal3n. Santa Mar3a quiillia iconeuh axcanah ma yohui Jerusal3n, ma quitlepanitta itlahtol pampa ya ihueinanan. Nouhquiya Santa Mar3a quiillamiquiltia Cristo nochi tlen quipanoc quemman eliyaya oquichpil pampa quinequiyaya quiyolcehuiz. Cristo axcanah quicacqui inanan yonquentzin huan quinquilia quitlahuelcahuaz pampa iuhquinon ihcuilohtoc pan teoamoxpan. Cristo quitlahiyohuilia inanan quemman tlamelauhcan quiillia itztoz ipan Jerusal3n, nepa quichiya miqiliztli tlen judiosmeh pan cuahnepanolli. Ica ne tlamantli, oncaz tlamaquixtilli pan

---

<sup>1</sup> Ni pilaltepetzin naman nocca eltoc huan quitilana cabecera municipal tlen Jonacatepec, ipan Morelos tlaplan. Nahuatl tlen ni tlalli nechca polihuiz nochi pampa itztoqueh achitzin tlacameh tlen tlahtoah nahuatl.

<sup>2</sup> Analtlaneltoquilli quihtoznequi tlanetoquilli tlen mopyaya ipan Europa tlalli pan nopa tonatih.

nochi cemanahuac. Santa María mopechteca pampa nelquimachilia tlaihyohuiliztli pampa iconeuh quitemoa imiquiliz. Magdalena mocalaquia huan quinohnotza Jesucristo huan quiillia ma quipalehui inanan pampa nelneliya motequipanochoa. Magdalena nouhquiya quiillia Cristo ma mocuatlallamictili pampa axcanah quihuelitta ma yohui Jesuralén tlalli huan cualli elizquia zan ma quiquixti pascuah quiahuac Jerusalén tlalli.

Teipan Jesucristo quinahuatitihua inanan pampa ya mohuicaz ipan Jesuralén. Jesucristo quitlahtlanilia inanan Santa María ma quimaca iteochihuiliz. Santa María quiteochihuilia iconeuh huan quiillia yanopa ma quiyecanalti pan ohtli tlen yohui ica Jerusalén. Teipan nouhquiya Jesucristo quitiochihuilia inanan huan quihtoa “Ma nimitzteochihuihtzinoh ica in itocatzin in notlazohtahtzin Dios ihuan in nehhuatzin ihuan in espíritu santo” (7r). Tlahuel yehyectzin ni teochihualli huan Jesucristo moixnextia ya iconeuh Dios, yeca quihtoa “in nehhuatzin.” Iuhquinon Cristo quitlahuelcahua inanan huan motlachiyaltia ica Jerusalén tlalli.

Teipan Jesucristo monemilia quicuiz ohtli tlen yohui Jerusalén huanya nochimeh itlamachtihuan apostolohmeh quence Juan huan Santiago. Achtohui Jesucristo quintitlanilia Juan huan Santiago ma quitemotih ce asnah<sup>3</sup> tlen quiipya iconeuh pan tlalli tlen Jerusalén. Pan nopa asnah tlen cualli quipehechtizeh tlehcoz Cristo ica Jerusalén. Cristo calaquiz Jerusalén huan nouhquiya quiipyzceh ininmaco olivaxihuitl huan zoyatl tlen motocaixmati cuauhxiuitl.

Quemman Cristo ahci ipan Jerusalén quimachiliyaya miac tequipacholli pampa quimatiyaya itlahtohcayotl Jerusalén quixicoz miac cualantli huan moihtlacoz ica miac xihuitl tlen huallaz pampa nopayoh quimictizeh. Nopayoh Fariseos quiixmatih Cristo huan nouhquiya nopayoh quicaqui teopixcatlacatl Caifás. Caifás axcanah quihuelitta, nelneliya zan quihuetzquiltia, quipacmati nochi tlen quitenquixtia Jesucristo. Nouhquiya nopayoh itztoc ceyoc teopixcatlacatl tlen itocah Anás tlen nouhquiya mochomonia ica tlahtolli. Nochi omeh, Caifás huan Anás quiilliah Jesucristo teixcuapani, yolopolihqui, tetlapololtiani pampa ya ce macehualli huan momati quichiuhtinemi tlamahuizolli. Teopicaxtlahtohqueh huan judios pehuah mocuahnehnehuiliah quenuhqui quitlatzontequilizceh Jesucristo quemman tlamiz nopa ilhuitl tlen pascuah. Noque zan mochiyah ma pano nopa ilhuitl.

Itztoc ce tlatatl tlen itocah José huan quinequi quipalehuiz Cristo ica itlahtol, yeca pehua zaniloa huanya teopicaxcatlahtohqueh. José quihtoa axcanah quiitta tlan Jesús quintlapololtia macehualmeh, ya zan quiitta Jesús quinpalehuia cocoxcatzitzin, popoyotzitzin huan tlen zan

---

<sup>3</sup> Cequin macehualmeh quitocaixmatih asnah quen ce pochquitzin.

huilaxihuih<sup>4</sup> pampa axhueli nehnemih cualli. José quinmaca ce cualli tlahtolli Anás huan Caifás, zanpampa axcanah quicaquiliah pampa nelquicocoliah Jesucristo.

Nouhquiya itztoz ce tlatatl tlen itocah Samuel huan quihtoa tlan motlatzontequiliz Cristo zan monequi itlanahuatiltzin presidenteh Poncio Pilato. Yeca, Caifás quiillia escribanoh ma quiihcuilo ce tlahtohcatlanahuatilli, tlan ce acahya quicalaquiz ichan Cristo, zo quipalehuiz ica ce tlamantli, monequi quinyolmelahuaz teopixcameh nimantzin, huan nopa tlatatl zo cihuatl<sup>5</sup> quitlaxtlahuilizceh miac teocuitlatl. Teipan yaotlacameh huan tlayecananih pehuah quitemoah Cristo pan nochi Jerusalén pampa quinequih quiitzquizceh huan teipan quimictizceh. Ce acahya tlen quipalehuiz Cristo quence iicniuh nouhquiya monequiz ma miqui. Yeca quemman monextia nopa tlanahuatilli, Cristo mocholhuilia huan nemi ichtacatzin huanya itlamachtihuan caltitlan tlen Jerusalén. Nochi inihuantin zampa mozancehcotilizceh pan ceyoc canahya.

Teipan mochoquiltihuallauh Magdalena ica ce pahatl huan quitlahtlaniltihuallauh tetlapohpolhuiliztli tlamachtihquetl Cristo. Teipan Cristo quitlapopolhuia huan quicuaatequilia ica nopa pahatl itzontecon Magdalena. Zan niman Cristo quinequi quichihuaz ce ilhuitlacualli<sup>6</sup> tlen itocah Pascuah. Cristo quimachilia tlanechcatitoc pampa monechcahuia tonatiuh quemman huahcapaixco cruztitech quimomahmazohualtilizqueh judiostlacameh huan nopayoh polihuiz.

Judas nouhquiya nopayoh tehuanyanemi huan axcanah quihuelittac quemman Jesús quicuaatecqui ica tlazohpahatl Magdalena. Judas moilliyaya nopa pahatl tlahuel malhuilli<sup>7</sup> huan zan quiihtlacohqui ica Magdalena. Nican neci Judas tlahuel mooquichnequi, axquitlepanitta Magdalena, huan mohueinequi ica Jesucristo. Gamaliel ceyoc tlatatl quinequi quipalehuiz Cristo huan ya quitlaneuhtiz ichan campa Cristo huan itlamachtihuan motlacualtizceh.

Achtohui Gamaliel yohui campa mantoc atl, yohui onatlacui ica ce chachapalli huan ce xicalli. Quemman Gamaliel mocuapaya ichan, quimamatiuh atl, quiitztehuaz iican quitepotztocatihuallohuih Juan huan Jacobo. Teipan Juan huan Jacobo quinechcahuiah huan quipohuiliah tlen monequi quichihuaz pampa tlamachtihquetl Jesús quinequi quiquixtiz pascuah pan ichantzinco. Teipan tlacualtlaliah ichan Gamaliel campa ahciqui Cristo. Nouhquiya Gamaliel quinmaca nochi tlen monequiz para mochihuaz nopa ilhuitlacualli. Moquixtia ce mezah huan

---

<sup>4</sup> Ni tlahtolli quihtoznequi ce acahya tlen axcanah hueli nehnemi pampa axcanah icxitetiya.

<sup>5</sup> Quemman mochihua nopa amatlanahuatilli nochi in ahuahqueh in tepehuahqueh tlen Jerusalén monequi quimatizceh pampa pregoneroh tlatzachtziltinemiya calmacehualtzalan.

<sup>6</sup> Axquemman niccactoya ni tlahtolli zampampa mocuamachilia quence La última cena.

<sup>7</sup> Quihtoznequi ce tlamantli tlen nelneliya monequi momalhuiz.

nopayoh motlalialah “naranjas, plátanoh, lechugah, sandíah ihuan pantzin<sup>8</sup> mahtlactli omome” (18v). Teipan nochi mocencahua para ahcihuetziz Jesucristo huan itlamachtihuan.

Itlamachtihuan quiixmatih Jesús ica tocaoyotl notemachticatzin. Gamaliel quitocaixmati Jesús ica tocaoyotl noteicnelicatzin<sup>9</sup> huan ica huei temachtiani. Ni tlahtolli quihtoznequi tlatlepanittaliztli tlen quipiyah ica itemachtihcauh. Tlacameh tlen axcanah quitlepanittah quiilliah teiztlacahuhtinenquetl, tetlapololtianih, tlhueliloqueh, teixcuepanih, nochi ni tlahtolli quimanextia axtlatlepanittaliztli. Tlacameh judiosmeh axcanah quitlepanittah yon quentzin Jesucristo huan yeca teipan motlahtlanilialah ma miqui Cristo ipan cuauhnepanolli.

Nonechcahuia nopa tiotlac, Jesús quiquixtia pascuah, yeca quintlacualtia inintlamachtihuan. Pan ichan Gamaliel moyahualoah huan tlailhuiquixtiah. Teipan Cristo quihtoa monequi quinixpahpacaz huan quinixpohpohuaz itlamachtihuan ica ce toallapeztetl.<sup>10</sup> Pedro nelneliya axmocaahuayaya ma quiicxipacacan pampa momachiliyaya tlhuel cuecuetztzin. Cristo quiillia ma quicaqui pampa ica ne icxipahpacalitzli Pedro hueliz mocehuiz pan ilhuicac nemiliztli. Iuhquinon Pedro mochiuhqui ce Jesús itlapehpenil.

Teipan Cristo pehua quitiochihua tlaxcalli tlen teipan eliz itlacayo huan teipan quitiochihuaz huinoh tlen eliz iezzo. Achtohui pehua ica ce chipahuac tlaxcaltzintli huan quihtoa “Xicmocualtican, inin tlaxcaltzintli onicteochihuilih. Ipan ehua in nonacayotzin.” Ica ni tlahtolli quihtoznequi ni tlaxcalli mochihua inacayo Jesucristo. Teipan quihtoa “Xicmitican in vinoh onicteochihuilih. Ipan pohuiz in notlazohezzotzin” (22r). Ni tlahtolli quihtoznequi vinoh tlen tlatiochihualli quimanextia iezzotzin tlen malhuilli tlen quinchicahuiliz inintlaneltoquil. Nochi ni tlahtolli calacqui pan ni ilhuitlacualli tlen itocah tlaceliliztli tlen nocca naman mochihua teopan tlen quiyecana ce totahtzin nepa Mexcotlalli huan cequinoc talmeh.

Tlami nopa tiotlac, eli tlayohua huan Cristo quinillia itlamachtihuan, pan nopa tlayohua motlapololtizqueh ica ya. Huan quihtoa nouhquiya ichcapixqui iichcahuan mocehcemanazceh. Nouhquiya quinillia teipan quiittazceh zampa ipan Galilea tlalli, hueliz teipan quemman mictoza huan zampa moyolcuiz. Teipan Pedro quihtoa “In nehhuatl ahhué ninotlapololtiz” Jesús quinanquilia “In axcan yohualtican in ayamo tzahtzi oquichcuanaca, yexpan manian in

---

<sup>8</sup> Nican motequihuaiah tlahtolli pantzin, axcanah motequihua tlaxcalli.

<sup>9</sup> Naman tonatiuh motequihua ni tlahtolli. Ce acahya huéli motocaxtiz “teicneltzin” huan quihtoznequi ce acahya zo ce tlapiyalli tlen tlaihyohua pampa axquipyah tlen quicuaz, mococoa, yeca quipoloa chichualiztli, neci niman polihuiz. Ica ne tlamantli, macehualmeh quitocaixmatih quen teicneltzin.

<sup>10</sup> Jesús quitequihua ce toallah, ce peztetl tlen ica quinixpohpohua itlamachtihuan.

ahmo tinechmocuitiz” (23r). Iuhquinon tlami ni tlamantli. Tlami ni ilhuitlacualli tlen quiyecana Cristo huan nochi zancehco yohuih xochitzintlan tlen tetahtzin David.

Judas mocahua icelti ce tlatoctzin huan moohchicoquixtia. Cristo huan itlamachtihuan yohuih xochitzintlan. Judas pehua motlahtoltia icelti, huan motemachiya quinequi quinamacaz iteicneltzin Jesús. Judas moillia tlen quitequihuiznequi inequiliz tlen Jesús. Pan ni amatl Judas motemaca quichihuaz tlen quiillihqui Jesús quemman tlailhuiquixtiyayah. Naman Judas tlahtoa axcanah zan camanalli, motemachia quinamacaz ihuei temachtianih. Nican Judas moillia axcanah melahuac tlan quiitzquizceh Jesús tlan quitlateilhuiz, pampa ya nochi hueli, huan quimaquixtiz Dios nimantzin. Nouhquiya Judas quihtoa ya axtlen hueli quiixnextia huan quihtoznequi tlatatl tlen axtlen quipiya, tlahuel tlaihyohuia, nouhquiya iteixmatcahuan tlen ichan axcanah quipiyah tlen quicuazceh. Nouhquiya Judas axcanah quipiya ce calli yon axquiya imillah.<sup>11</sup> Yeca Judas axmahmahui huan quinequi quintencahuiliz Jesús teopixcatlauhtohqueh judíos pampa quitemohticateh. Iuhquinon Judas quipiyaz tomin huan quiceliz icneliztli. Judas moillia itemachihcauh axcanah quiicnelia yonquentzin. Yeca, achtohui polihuiz Judas, maz cualli moillia quionmanacaz itlahtocatzin Cristo. Judas quitlalcahuia Cristo huan pehuaz moihittaz queniuhqui quinittaz teopixcatlauhtohqueh. Achtohui tlahtoa huanya ce tlatatl tlen itocah Rubén. Ni Rubén tequiti quence porteroth ipan calli tlen teopixcatlauhtohqueh Anás huan Caifás.

Judas quinequi quinixpantiliz Anás huan Caifás ica Jesús Nazarenoh, iuhquinon hueliz quimecaitzquizceh. Yeca, Judas nelneliya quinequi quinittaz pontífices pan ininchan. Judas mocamahua huanya Anás huan quitlahtlanilia quezqui tlaxtlahuilli quimacazceh tlan quinmatiltiz canin itztoc Jesucristo. Simeón ce tlatatl tlen tequiti huanya pontífices quihtoa ma momaca Judas teocuitlatl zo tlatquitl tlen motlahtlanilia. Judas yolpaqui quemman quiilliah quena quitlaxtlahuizceh, noque motlahtoltiah pontífices. Judas quimachilia ayoccanah etiya itemachtihcauh huan ica nopa tlaxtlahuilli atliz huan tlacuaz moztla huiptla. Zampampa Simón quihtoa zan quimacazceh cempohualli tlatemantli teocuitlatl, teipan Judas tlananquilia amo ipatiuh nopa tomin, monequi quentzin achiyoc. Samuel ceyoc tequitiquetl, moquetztehua, cualani huan quitlatzinia mezah, quionihtoa quena quimacazceh achiyoc tomin. Teipan Judas quicelia cempohualli huan mahtlactli tomin. Mayordomoh quimaca nopa tomin, ce tlaxtlahuilli huan teipan quiillia Judas ma moyoltlalia pampa quicelia ce cualli tomintlapalehuiliztli.

---

<sup>11</sup> Nican Judas moixnextia quen ce macehualli teicneltzin tlen quipiya miac tlaihyohuiliztli pampa axcanah quipiya ichan yon axquiya imillah. Nouhquiya pampa quitemoa icneliztli tlen cequinoqueh tlacameh.

Huanquinon Judas yohui campa itztoc Jesús, inechca nouhquiya yohuih yaomeh chihchicahuaqueh quihuicah tepozmecatl tlen ica quimaihlpizceh Cristo tlen quiilliah teixcuapanih zo tetlapoltianih. Noque ahci Judas xochititlan, Jesús motlatlauhtiliyaya ica ihueitahtzin. Onmohualnextihqui ce Angeltzin huan quiillihqui ma moyolchicahua pampa niman ahciz cahuitl quemman miquiz. Ica ne tlamantli momaquiuxtizeh miac tlahtlacolchihuanih tlen nemih tlalpan. Naman Cristo mocuapa xochititlan campa itztoqueh itlamachtihuan.

Achtohui Judas huan ni yaocameh mocualtlaliah quemman quiitzquizceh Cristo huan iuhquinon axcanah quichololtizqueh. Judas quinyolmelahua yaomeh ma quiitzquican acquiya quitennamiquiliti iixxayac, nopa tlatcatl monequi quimaihitzquizceh. Jesucristo quinittato itlamachtihuan tlen cochtayah cuatzintlan huan zan quichiyaya Judas ma quinechcahuiti. Tlayecanquetl tlanahuatia ma quiitzquican Cristo huan nouhquiya Cristo melahuac moixnextia ya nelneliya itocah Jesús Nazarenoh. Teipan yaomeh quihuicah Cristo ilpitoc ica tepozmecatl, huan quihuicah iixpantzinco pontífices Anás.

Anás quiixtlatzinilia Cristo pampa quinanguilia ica tlamantli tlen teyolcocoa. Yeca, Anás quihtoa ma quihuicacan Cristo ichan teopixcatlahoquetl Caifás huan nouhquiya ma quiitta Jesús itlahtlacol. Pan ohtli quihuitequiliyayah huan quitelecayayah Cristo noque nehnemiyaya. Inihhuan tin quitocaxtlaliyayah Cristo totlacohual pampa Judas quinamacatoya. Ahci campa Caifás ichan huan motlahtlaniliah ma quitlatzontequili pampa Jesús axcanah cualli tlen quichiuhtinemi. Caifás motenchicahua monequi ma quimictlatzontequilican Cristo, yeca quinnotza testigohmeh. Cristo mocahua ilpitoc pan temimilolli, judíos quimocuitlahuiah pampa axquinequih ma cholo. Moztla tlanecizzoc quiittatih Poncio Pilato ma quimiquitlatzontequili. San Pedro nopayoh nemiyaya ichan Caifás huan axcanah mocuiltihqui tlan quiixmati Jesucristo. Yeca oquichcuanaca tzahtzic eyi hueltah. San Pedro moillamiqui tlen quiitheuhtoya itemachtihcauh quemman mozancehcotiltayah pan ilhuitlacualli.

Ahcic yancuic tlanextli huan Caifás tlanahuatihqui ma quionhualquixtican Cristo campa ilpitoya. Naman Caifás tlanahuatia ma quihuicacan Jesucristo ichan tlahtoani Poncio Pilato. Noque panoyaya Jesucristo mailpitoc ica tepozmecatl, Judas quinelittac iixxayac Jesucristo quenuihqui quicocohtayah. Judas quimachilihqui tequipacholli huan momachilihqui ce tlahtlacolchihuhquetl quemman quiittac itlamachtihcauh. Judas quinequiyaya quicuapaz tomin tlen quimacaqueh judiosmeh huan ma quimalacanicah itemachtihcauh, zampampa ayoccanah

quicelhuilihqueh itomin, zan quionhualchololtihqueh ica fieroh tlahtolli. Judas maz cualli mopiloto zo mocuahuiyonito cuatitlan ica ce mecatl huan iuhquinon polihqui.

Caifás, Teyacanqui huan Centurión aheih ichan Presidenteh Poncio Pilato huan quitlahtlaniliah ma quitlatzontequili Jesucristo pampa tetlapololtihtinemi huan teiztlacatinemi ica macehualmeh ipan altepetl Jerusalén. Poncio Pilato axcanah motemacac quitlatzontequiliz Jesucristo, pampa axcanah quiittac quiipya tlahtlacolli yon quentzin, maz quiittac judiosmeh tlahuexchihuayayah pampa quicocoliyayah. Yeca, Pilatoh quihtohqui ma quihuicacan Jesucristo ipan Galileah tlalli pampa nopayoh ehua huan nopayoh itlapacholtzin huei tlahtoani Herodes.

Herodes nouhquiya axtlen quichihuilihqui Jesucristo pampa axcanah quinecqui quihtoh yon ce tlamantli tlen ica motlahtolmanahuizquia. Herodes quitlahtlaniliyaya ma quichihui ce tlamahuizolli huan iuhquinon quimalacanizquia, zampampa Jesús axcanah quichihuilihqui cuentah huan zan motentzaucqui. Cemeh Herodes tlanahuatihqui ma quiquixticah quiahuac Jesús huan zampa ma quititlanilican huanya Poncio Pilato huan ya ma quitlatzontequili. Yeca zampa quiahxitiah Jesucristo ichan Poncio Pilato, huan Pilatoh zan tlanahuatia ma quimecahuitequican ni Jesucristo huan teipan zan ma quimalacanicen. Ica ne tlamantli Poncio Pilato zan quinequiyaya quitlacahualtiz Jesucristo, zampampa nelneliyaya axcanah quinequiyaya ma miqui. Quemman Jesucristo cualli quihuihuitectoyahya, Poncio Pilato quinillia judiosmeh tlan cualliya, tlan ininpachca, zampampa judiostlacameh tlahuel motenchicahuayayah huan mociciniyayah para cemeh ma miqui Jesucristo ipan corotzin. Judiostlacameh motlahtlaniliyayah ma momamazohzohualti cruztitech.

Poncio Pilato axcanah quimatiyaya tlen quichihuaz pampa axcanah quiittayaya tlahtlacolli pan Jesucristo, yeca axcanah quinequiyaya quimictiz. Quihtoa Poncio Pilato, naman pascuah ilhuitl, judiosmeh nochipa quitlapopolhuiah ce tlatatl tlen tzauctoc. Poncio Pilato quintencahuilihqui ma moquiquiztlatzontequili ce teichtacamictihquetl itocah Barrabás huan ma momalacani Jesucristo. Judios tlacameh quihtohqueh ¡Cruztech mahmazohualtiloz! Judios mohuerzahchihuiliah ma momalacani Barrabás, yeca iuhquinon Jesucristo monequi miquiz cruztitech. Pan ni cahuitl Cristo ayoccanah moixmatiyaya iixco pampa cualli quimaquiltoyah huan cualli quimecahuitectoyah, iixco tlami quiyacaezpotztoyah. Iuhquinon elqui inintlanequiliz tlen judiosmeh ica itlaihyohuiliz Jesucristo. Teipan Poncio Pilato momatequicqui huan quihtoznequi ya axcanah ce tlahtlacolchihuhquetl quen judiostlacameh.

San Juan yohui quionitta Santa María huan quionpohuilia tlen panotoc pan Jerusalén tlalli. Santa María pehua motequipachoa quemman quimati itlazohconetzin quitlahyohuiltiah judiostlacameh tlen tlahueliltiqueh. Santa María moconeuhtlahtlaniltihtinemi quemman ahci Jerusalén tlalli pampa qitemoyaya itlazohconeuh Jesús. Hualpanquiza ohtenno Jesús yox moitta iixco pampa quiyiya miac ezpopozotli huan nouhquiya quiyiyaya miac itzoncal iixco. Teipan yaomeh quiquechpanoltiah icorotzin tlen quihuicaz calvariohtipan. Nouhquiya yohuih ihuanya Jesús ome tlachtequinih, ce cualli tlatatl huan ceyoc axcanah cualli tlatatl, nochi ome nouhquiya quinchiyaya icorotzin.

Ce tlatatl tlen itocah pregoneroh pehuaz cuatzahtzi ica tlen tlatzontequilili quiyiya Cristo. Pregoneroh quihtoa “Nican Jerusalén in justiciyah motlanahuatilia in yehhuatzin huei tlahtoani Poncio Pilato inic miquiz Cristo” (49r). Ipan ohtli Jesús moixnamiqui huaya inanan. Santa María quimachilia miac cuzolli, miac tequipanocholli quemman quiitta iconeuh zan tlahuel tlaihyohuia huan quimamahtoc icorotzin. San onmotlahpalohqueh huanya inanan, teipan huallauh Simon Cireneo tlen quionpalehuia Cristo ica icorotzin. Cristo quinillia cihuameh, axcanah ma mochiquilican ica ya, maz cualli ma mochoquilican ica ininconeuhuan. Teipan nouhquiya Cristo quinillia cihuameh tlen Jerusalén, moztla huiptla quinillizceh tepemeh ma huallacan huan ma quintlapachocan. Nican neci Cristo quichihua miac tetzahuitl pampa quinmaca ce tlanohnotzalli tlen temahmauhtih quemman ayoccanah itztoz pan ni tlalli. Niman nouhquiya huallauh Verónica tlen quionixpohpohua Cristo, nimantzin mocahua pan tilmahtli iixcopinca Cristo. Nelneliya nican oncah ce tlamahuizolli.

Cristo ahci calvariohtipan huan quitechah pan cuahnepanolli tlen quicencauhtoqueh. Nopayoh quimazohzohuiltiah cruztitech. Nouhquiya nopayoh itztoqueh tlaichtequinih. Teipan huallauh Anás huan Caifás cahuayohtipan quionhualittah Jesucristo. Nouhquiya huallah ce tlatatl tlen itocah Escribano huan quihuallica ce letreroh itocah “In Jesús Nazarenoh Intlahtocahcauh in Judiosmeh” (53v). Nopa tlacuilolli mo motlatzquiltihqui iixco cuahnepanolli Anás huan Caifás axcanah quiamatqueh pampa eliyaya tepinauhtih, yeca quinhuatihqueh Poncio Pilato ma quiihcueni, zampampa Poncio Pilato axcanah quihuelittac.

Teipan, tlami ni nemiliztlamahuizolli quemman Cristo quihtoa ‘Notlahzotahtzine, mocemmactzinco noconnocahuilia in noyoliah in nanimahztzin. Ma xichualmocelili’ (54v). Iuhquinon tlami Jesucristo inemiliz pan ni tlattepectli. Santa María tlahuel mochoquiliyaya itzintlan necuahnepanolli campaa eltoya itlacayo Jesucristo. Santa María quihtoa “In ilhuicac



titeoichcaconetzintli, ye oneltiz in itlanequiliztzin in motlazohtahtzin, Dios” (55r). Iuhquinon polihqui Jesucristo tlen axcanah quipixqui tlahtlacolli huan yahqui huanya itlazohtahtzin ce canahtla tlen itocah papacoaloyan gloriáh. Teipan José de Arimatea yohui quiontlahtlanilia Poncio Pilato ma quimaca itlanahuatiltzin para quihualtemohuiz itlacayo Jesucristo huan teipan quiontlalpachoti. Ni nemiliztlamahuizolli tlami quemman quitepexihuiah itlacayo Jesucristo.